

ANTITHESIS.

Notandi h̄ic omnis generis H̄eretici, imprimis

1. *Sociniani*, qui finitam gloriam Christo tribuunt.

2. *Calviniani*, qui exaltationem Christi de utrāque naturā dicunt.

ARTICULUS X.

DE
GRATIA.

APHORISMUS.

Gratia in salutis negotiō nil aliud notat, quam actum misericordiæ divinæ, quo Deus propter Christi meritum omnes homines vult salvos fieri, salutis media omnibus hominibus destinavit, credentes elegit, in tempore actu omnes vocat, malitiosè non repugnantes & meritum Christi sibi applicantes justificat, sanctificat, in fide conservat & protegit, peccata pœnitentibus remittit, perseverantes denique æternum salvat.

EXPLICATIO.

I. Gratia.

1. Non accipitur *in totâ suâ latitudine*, sed *restrictè*. De hominibus alias dicitur quoque, quod homines aliis exhibeant gratiam, sed hæc non est hujus loci.
2. Non intelligitur gratia, quæ appellatur *naturæ*, sed quæ dicitur *medicinæ seu medicinalis*.
3. Non intelligitur gratia *ordinis natumlis*, ut omne beneficium DEI ordinatum ad vitæ temporalis conservationem ita dicitur. Qualia habentur, Actor. XIV, 17. exhibenturque hæc vel ordinariè, vel extraordinariè, ut pluvia Mannæ in desertō. Item miraculosa cibatio auditorum Christi. Intelligitur autem gratia ordinis *super-natumlis*, qualis est omne beneficium DEI ordinatum ad vitam æternam.

Za

4. Super-